

摘藻堂四庫全書薈要

集部

欽定四庫全書薈要

集部

御製詩三集卷四十八

七

詳校官原任編修臣徐立綱



欽定四庫全書薈要卷一萬三千四百七十六

集部

御製詩三集卷四十七

古今體一百一十三首

乙酉五

駐蹕蘇州再疊舊韻

試言底事重時巡必在恩敷率土濱到處繼繩仰

聖祖行春追賞奉

慈親迎鑾不較晴還雨

是日值雨萬姓雨中迎鑾歡呼夾道不避淋漓益為嘉憐不置

賚老那分富與貧信是民情大可見由來十室有忠淳

賜沈德潛

吳中今古老人科比似徵明定若何書畫雖輸詩勝彼  
功名已過壽如他遊山有興仍清健處世無爭祇善和

明說九旬有三歲那更年格尚嫌多

德潛老而始遇通仕藉時未以真年

告故吏部履歷今當為八十九歲然德潛實康熙癸丑生今應九十三此政東南士林宿望亦國家祥瑞何必更以老為嫌故末句調之

偶作設色梅花並題是句

元章渲染態嫌艷无咎勾圈格畧孤斟酌濃纖聊寄興

不知神韻得傳無

凝懷堂再疊舊作韻

行令駐葩瑤承

歡奉

鞠衣永同天下

養時勅化工機供帳毋求備情田曲體微

璿題參妙義恒護慶雲輝

楊維禎鐵笛圖

獨橫鐵篴太湖中吹裂凌波蘆荻風崖上拱聽定誰是

依稀維氏子長弓

見楊維禎  
治師行序

### 于闐採玉

于闐採玉春復秋用供正賦輸皇州奚待卞和識琳球

郵致正值金閭遊專諸巷中多妙手

玉工多出蘇  
城專諸巷

琢磨

無事太璞剖

卞和刖足以玉在璞中人不知也然今之  
貢玉皆撈之河中並無剖璞之事古之玉

亦今之玉耳則記載  
之失信率可知矣

古來記載真偽半愛者欲其生惡

者欲其死如是雌黃唇吻紛無算

夕

依然凝懷堂凝懷詎耽靜兩字緬

前猷一心惕深省有為民莫求無欲已私屏入夕春雲  
輕踈星三五影遂與放晴佳露立不覺冷

遊獅子林即景襍詠

城中佳處是獅林細雨輕風此首尋豈不居然坊市裏  
致生邈爾濮濠心

真樹蓋將千歲計假山曾不倍尋高雲林大隱留芳躅

誰復輕言作者勞

畫譜從來倪與黃楚弓楚得定何妨

倪瓚獅林今歸黃氏故藏及之

庭

前一片澄明水曾照伊人此沐芳

獅子林疊舊作韻

每閱倪圖輒悅目重來圖裏更怡心曰溪曰壑皆臻趣  
若徑若庭宛識尋足貌伊人惟怪石藉知古意是喬林

何堪摹卷當前展

壬午南巡曾手摹倪元鎮獅子林圖命弄藏林園今復攜倪卷來棹相形

之下殊覺效顰不當因並書於倪卷及摹圖中

笑似雷門布鼓音



遊虎丘即景禱詠

馬嘶小步出金閭細雨輕風正不妨為愛觀民慢鞭策  
須臾亦復到山塘

河裏龍舟畫鼓鳴布商藉以獻其誠欲思返樸申嚴禁  
矯枉兼虞拂物情

為門為徑我曾知若石若泉彼益奇開著雲窓聊俯暢  
四郊煙景總宜詩

虎丘雲巖寺

雲巖真是德山雲古樹時花總淨芬求跡無珍誠畫虎  
點頭有石似疑麋竹聲繞砌通其響麥色盈窓致我欣  
那是司徒志遠處

志在遠遊王  
珣伯遠帖語

千秋佳話付云云

靜觀齋疊舊作韻

靜觀猶是

當年額巖壑何曾占迴深却為不交絲竹耳堪知  
宏蘊地天心

含暉山館

春山多淑氣巖館值來遊  
瓶吐蘭心馥簷開柳眼柔  
王祠緬曠達謝句詠風流  
信美非吾事吾惟民隱求

虎丘寺四疊蘇軾韻

異哉金寶氣何以化岡嶺  
千秋鎮姑蘇改邑不改井  
溪田帶秀菑閭里暎清耿  
春氣入山塘已聞叫蛙黽  
竒傳劍三千誰見飛出礦  
平石坐千人既博勢亦猛  
生公緬講堂妙理元言騁  
葛賢有遺墓奮義志悲哽  
閱古過雲煙不異一瞬頃  
調御趺花宮其心死灰冷  
我亦合忘懷

言詩興猶永四疊玉局韻聊以荅風景聞有陽冰書蒼苔漉石影後視今由昔莫更鑄崖請

聞京師得雨

二月十六日

行春畧覺雨嫌過却憶京畿澤若何郵置欣聞霑二寸  
遙遙額慶利農多

賜江蘇學政李因培再疊舊作韻

三年滿浙政兩任返吳邦惟是簡英達將資化駁厖要  
存心一敬莫詡手無雙為問羅賢網可曾獲二龐

出閭門遊支硎寒山諸勝卽事襍詠

連日輕陰曉欲晴  
緩驅珠勒出蘇城  
支公趙氏胥高蹈  
胡獨今朝太有情

閭門一帶接楓橋  
撲地閭閻十里遥  
富矣教之教豈易  
因情善導戒名邀

比櫛高樓出巷衢  
西郊野景信清殊  
綠芄麥隴一千頃  
無定煙光灑露珠

慶橋那畔水村連  
綠竹紅梅總淨娟  
自是三春真景物

那須先節划龍船

布商有呈龍船之戲者亦無暇觀也

鳴鞭迤邐到支硎  
硎上流泉比重

去聲

聽為問當年許元

度無遷停處孰遷停

亭子剛過放鶴邊  
寒山別墅到依然  
流陰稔冉三年矣

話別冷冷是石泉

遊支硎山疊舊作韻

依舊青山與白泉  
重來過眼又三年  
發硎那是庖丁刃

招鶴仍參高士禪  
舞為

去聲

鼓琴同木石  
甜如食蜜徹中

邊設云佛法全拈出遠矣失之大不然

支公菴

支遁何曾遁  
研菴尚有菴迹  
同羅什北心  
是慧能南馬  
跋仍山逕  
鶴歸帶曉嵐  
不殊覲面者  
松月映虛龕

沈周支研遇友圖即用其韻

艤舟應在慶橋邊

橋在蘇城西為  
往支研正路

戴笠飄飄致欲仙

景括

沈詩  
中意

畫卷若為

平聲

今日設詩詞知向那峯鑄不羈遊興

足雙屐有契宗情手一編我豈似他閒逸者觀民惟覺

意中懸

寒山別墅

支硎一嶺過咫尺到寒山坐弄流泉潔行尋曲棧閑心

因新霽喜幾趁片時間大吏稱馳驛

遊覽所至畧觀人意即行片繼善此

之馳驛看山然過而不留片時間適足矣謂之馳驛固當

俞哉為

去聲

破顏

綠雲樓即目

便門進即綠雲樓

過支硎小嶺即寒山別墅園牆向山園門入尚紆里許壬午廷恩命從園

牆開一門進門不數武即綠雲樓益覺近便

拾級閒登樓上頭蔚翠麥田真



罨畫適來原在畫中遊

飛魚峽再疊舊作韻

石峽龍門似常看魚闕然息原入潭水飛即上雲天或  
羨知名士抑希登籍仙留題意何屬欲問隱居賢

馳煙驛戲題

高人伏處上聲必柴荆那識金根與翠旌萬姓馳煙緣驛

路似為平聲斯日設斯名

對瀑再疊前韻

飛瀑恒面壁不言真得髓綺言邇覺多合以縱縱洗

題澄懷堂

借問澄懷處寒泉泉石間落來心與洗  
澹際俗全刪竹  
戛琅玕韻峯開翡翠顏最宜棄閒地摘句卒無閒

清暉樓

書樓宛在水中央簷際波翻漱灩光自是清暉供  
水成詩誰似謝家郎  
去聲山

寒山千尺雪三疊舊作韻

知者樂水仁樂山合妙撰斯惟石泉宦光若可起而問  
應以是語為探源拘墟彼此執名象乃舍實道循虛詮  
澄懷之堂暫憩息在寒山別墅中餘興幽徑仍攀緣曲欄扶者  
宛熟路澄潭注處成深淵醜流雖無三千尺同一雪色  
鋪岡巒坐令亭臺疑瑤圃平看花木栽銀田香聞菊蕊  
不辨色訝至光福望海然聽雪有閣可虛擲便當摘句  
於其間

聽雪閣三疊舊作韻

滴水傾於海濕性直到底比雪千古恒其理如是耳溪  
閣尚未登早識箇間美既至坐而聽信足稱觀止弗忘  
者先憂暫憑者後喜縱縱皚皚中何今復何始邂逅託  
有因寤寐良無已

遊法螺寺

千尺雪上心已洗法螺寺中隨法喜肩輿旋轉入菁蔥  
萬里之間論尺咫我聞吹螺演三乘又云佛頂螺髻青  
色覓聲求盡邪道如見如來能不能

四依

皇祖華山詩韻二首

法螺西跋馬雲表竺龕深有進亦云到無營孰與侵  
昔題猶舞鳳春景入言禽別室青山對憑軒一暢襟  
舜歌賡四度彈指歲年深是日盤雲逕春風謾籟侵苔  
蒼皴峙栢泉響答鳴禽峯頂孤亭在曾予豁遠襟

靈巖寺西入石路用唐劉長卿韻

乍晴芳蘂蕙過雨綠濃苔渾似昨朝去又成今度回借

他劉氏韻

長卿此詩蓋詠方山靈巖非此地也

識我梵宮來但取名同處

那分境異開路盤亦西入塔迴向雲栽上有吳王井甘

宜試茗杯

駐蹕靈巖三疊舊作韻

三載流陰瞬息中靈巖重禮梵王宮高標穹塔依空住  
右轉行廬有逕通虛室還生今日白春花又吐昔年紅  
憑欄最喜晴明望綠蔚平時吳苑東

臨湖榭

峯巔虛榭臨太湖太湖萬頃胷中俱東洞庭山正當檻  
青螺一點鏡面扶廓然上下共澄澈遊與造物為清娛  
吳顛越躡實蟻鬪水天千古寧差殊少伯扁舟都藉藉  
彼何人哉名利徒

靈巖夕景

久坐臨湖榭空明愛湖景不覺暮色蒼失却洞庭影張  
燈歸寢閣萬籟於焉靜已自雲霞表况近招提境神心  
自致謚塵俗何期屏相值乃偶然意足千秋永

靈巖禱詠四疊沈德潛韻

館娃宮

四計惑吳心羅穀教歌舞容步於何習或曰城名土蠡  
獻子胥諫弗聽其言杜伊人詠館娃戒之在鑒古

琴臺

七絃實古器斯臺未怡然抑於闔閭代抑在夫差年世  
遷猶月白人去餘泉湲但供幽客至曲肱時枕眠

響屨廊



長廊今弗見但餘山洞敞索然怒公孫何能為聲響殺  
諫國必亡館娃久榛莽奚稱蹈步人足底佳音往

涵空閣

石鼓天平南嶰嶰聳碧空一目可千里具區波濑風有  
名無其閣望若雲中龍豈必拘墟求縱觀憑離宮

吳王井

日東而月西一例噴峯頂不見古人汲猶照今人影詩  
雅詠鉅壘易象示縉綬却憶歸愚翁當年比汲井

研池

研池涌研山一泓清波冷得名蓋因境明如銅鏡青詎  
緣習揮毫筆陣辨直橫其下應何有波伏龍不驚

采香逕

子友為諷諫挾彈履濡露笑愚而不聽先入言有素徒  
傳香逕名春風馥錦霧狸卑終見放三津歸日暮

翫花池

德潛老始達大耋歸棲谷方其未出時此振衣濯足凭

池匪翫花為愛澄波淥八章四疊賡藉擬蘭湯浴

穹窿山上真觀

嶽嶽高居祀

上真抒誠叩必以躬親太湖萬頃在襟袖穹窿億丈凌  
星辰不問長生崇羽士所希大有綏農民片刻成吟策  
返轡鄧尉香雪猶西鄰

寄題拈花寺

上真小憩跋驄駢心識招提得面違寄語山僧應正悟

莫隨迦葉笑顏微

鄧尉村

鄧尉村前萬樹梅半猶含朶半  
媽開問他底事不全放  
應為今朝待我來

崑軸前旬已見梅心憐鄧尉背人開  
誰知玉馬尋山處  
尚有香風撲面來

鄧尉山恭詠

皇祖松風水月額再疊舊作韻

逕入海為雪寺投寮是松蘇臺巡蹕四鄧尉仰

題重心各水如淡影當春互濃於斯名獨讓曾不介乎  
曾

右松

既具蓊濛氣何妨淡蕩風擘帷蕾是綠舒或瓣逢紅山  
谷雪猶滿僧房春正融一聲清磬度雅思眇崔峒

右風

託根既於岡寫影那辭水態是弄珠人品乃濯纓子逸

格在橫斜幽香徹表裏把擬問山僧可似曹溪旨

右水

浮動黃昏間不宿知宜月散采方森沉流香益飛越娟  
娟覩神姿青青定仙骨漱潤懷清芬賡吟無厭歇

右月

鄧尉香雪海歌三疊舊作韻

吾家山信誰家吾輿圖府志難考初安名立字各阿好  
吐哉史氏多傳誣姑胥省方已三度春風又拂鑒旂舒

尋山問水乃餘事觀民設教有正模雖然詎可負清暇  
鄧尉一帶旄騎紆訂訛甄異弗重藉昔詩屢具茲遵迹  
化人寺亦仍小憩至理村旋去聲發前趨不舟而泛香雪

海較之牙檣樂有餘其色真色目止觀去聲其香真香鼻

靜娛似置膝六於太湖配藜旁魄無同殊筆規墨寫勢  
欲輸蘭薰檀燕庸更需清淺水復黃昏月於何浮動致  
影踈那更遠憶大庾大了知近勝孤山孤前三後三蒼  
光福千秋萬歲薌句吳千秋萬歲薌句吳笑我疊韻無

已夫

雨中遊上方山

楞伽登絕頂

府志楞伽山一名上方山

塔影近纔迎樹木紛垂露煙

雲坐入楹須臾陰翳斂震澤下方明變幻胥真諦如觀  
乾闥城

石湖八絕句和王寵題周臣畫簃頭韻

吳中山水致人憐最愛石湖茶磨前萬頃煙波連震澤  
一隄花柳繪春天



參政當年經濟流虛名肯與世沉浮立朝事業誠無忝  
寓意聊斯託狎鷗

風靜春湖玉鏡開北鄰入影是郊臺孤卑雉傲偏誇勢  
欲使東流直倒迴

亭子湖心昔日成周遭漪影漾檐輕三經攬景弗一到  
弗到中饒不盡情

湖心亭非石湖舊蹟蓋丁丑南巡時  
大吏以備臨眺者然三度石湖曾未

一到其  
地也

何必牙樯牽錦絲輕舟蕩槳可前移一鳩呌為頻呼婦

雙燕飛還欲乳兒

石湖詎較太湖強

海潮卷後倚巖石泉漚而為池  
實半畝餘因鵝壁題之曰石湖湖上

花龕若鳳翔設使山僧斯面壁當前法乳是津梁

一帶春山問景歸

是日自靈巖取道上方山  
石湖一帶策馬歸蘇城

春雲時作

雨絲飛亂煙忽向峯頭斂迴望靈巖濯翠微

不少丹青鳥與花揀金鷄遇此披沙東郊煙景雅宜句

一例東京說夢華

詣

文廟行禮

雨中歸茂苑

聖廟郡城隅

文廟在城西南隅

崇像應虔叩

太學神主甚合古禮闕里及此乃入門崇像設然有其舉之亦莫可廢也

惟敬趨春堂煙織幕古樹露垂珠信曰有如化然而無有乎

戲題滄浪亭

假山真水傍城闌結構誠云清絕塵一帶隔溪列公廨

不知誰是濯纓人

過紫陽書院

書院泮宮後菁莪藉地靈學優乃從政身致在明經羣

秀其無忝老人尚有星

沈德潛長書院是日領多士跪接

明知艱步履

卧理足儀型

望晴

兩日剛快霽一夜復密雨江國雖其常過甚亦致苦詢  
稱弗礙麥恐出慰我語溝渠縱洩水根黃一二覩比豈

非傷潦即晴庶救補到處均赤子為之厘相輔

杏

梅後賴有此桃前非借他漫從香處較可許色無過南  
國春偏早佳人酒半酡膽併幾枝足詎在董林多

題鏤玉松鶴屏

植中松樹禽中鶴都是稜稜似玉流頗有玉

許救切見  
正韻上玉

也者人能執藝言斯庶不枉雕鏤

蘇州啓蹕作

霽景麗天扛水程發畫艘清晨別茂苑已刻過吳江縣名  
迎送民情篤郊圻春色掄明將入浙境時邁亦予邦

舟行襍興

大船張帆如箭急小船爬沙苦弗及以篙鉤挽大船尾  
攜小船行巧注挹大船人怨遲已行小船人樂省力勑  
中才者不中才養故人樂有賢父兄一射生絜十鈍手

國語舊有一善射生者十鈍手隨  
之謠其譬正與中才之意同

國有舊語亦知否

入浙江境

一川不異舟兩省頃分郵風俗漸因別桑麻較更稠春  
晴真是暢三載忽如流祇覺民情切惠鮮可忘去聲謀

遊煙雨樓即景襍詠四首

煙雨今朝煙雨無眺吟暢好不模糊采花黃映麥苗綠  
所喜猶然在此乎

即景無過遣興題過譽老筆注金鰐

樓中錢陳羣書舊作並跋語張駿頤

覺過譽

樓前一對玉蘭樹直與樓簷開並齊

近涯野艇不譙訶漁樂憑看樂若何訝似天孫機杼張

去聲 錦端來往織仙梭

船泛春波天上坐樓稱煙雨霽中來韶光陶冶無先後  
庭際辛夷盆裏梅

題煙雨樓

峒嶢無地起樓臺一棹宛從鏡裏來問孰宜煙更宜雨  
合稱惟柳復惟梅韶光艷喬為屏匝漪影空明映座開  
錢趙王孫詩與字

樓中有錢陳羣書趙孟頫撰織圖詩屏

却因吟翫久延

陪



遊煙雨樓與莊有恭聯句疊前韻作

御製昔茲撫土臣今為隔省吏

前年調莊有恭撫蘇仍就近兼管海塘事務

仍

攜因閱塘

叨陪逾及第

臣昔蒙再荷

特拔巍科已屬忝竊茲恩命得侍聯句尤為榮幸

嘉禾奉

清娛高樓挹佳致花繁雙樹玉

臣莊有恭

御製香儼千頃芰名循慮煙雨

近願望晴

實惠快晴霽何處不

籌農

所喜無棄地就瞻

禁譙訶蹴踏

勅趨避

萬姓歡迎環擁左右者或踐及菜麥每

上不令訶蹴其趨隨

諭避之亦弗顧也

藹然衢謠盈

臣莊有恭

御製 翁若天籟吹頗嘉新政觀莫忘舊學肆行當侍左右

已授有恭刑部尚書協辦大學士仍令在內廷行走

頓爾豁障翳簿書幸寬程筆札願謹伺

撫時值風和

臣莊有恭

御製

延遠勝山翠

嘉興境內無山憑眺益遠

一天景越朗四鄰望俱遂

澄波識魚樂

董其昌書魚樂國勒石樓前

厚澤欣衆暨滌湖正

迴櫂秀溪

橋名

復

控轡

是日

上迴舟即

來騎數

萬千氣象呈

臣

十里老幼遮道瞻仰幾無隙地

有恭

御製

百二春光繼

時值閏二月

攬結敢恣興遊豫無非事明將

鹽官駐

總

厘海疊利北漲常安濶中開必表瑞

北岸漲沙益遠則中小疊故道自可

復開

聖仁感

天仁

臣莊有恭

御製子意視民意翹心緬四巡睫眼又三歲載賡非玩物

懷哉惟展義

降旨免浙省所有積欠並經過地方正賦十分之

五詩以誌事

新正降恩諭江浙免積逋江省數實多

前降旨免江浙通賦江南至一

百四十餘萬浙江止十三萬餘已不及十分之一且又報有續完則較江省更少

南北已大殊

因加惠江南

昨經臨江省詢知所免災緩積欠淮北獨多江以南纔三萬餘因將江蘇各屬悉由

未完欠項概行蠲免並免水陸所經州縣本年額賦十分之五浙省亦吾赤子懷保同殷且積欠又少用是并例不應蠲之未完銀穀悉予豁免復將經過地方新賦蠲半以均惠澤

浙省可忘乎入疆

再咨詢逋祇江南如更有續完者急公益嘉予漕欠及借項寬免例所無比豈非在民爰概與豁免其經過正

賦十五蠲厥租休助庶以副歌頌寧所圖

賜閩浙總督蘇昌

楚粵曾宣績浙閩茲撫封外中久敷歷聲望益泰容早  
是心如水應知壽比松自當隨蹕輦奕葉本從龍

賜浙江巡撫熊學鵬

西江儒素家兩浙撫安衙清慎勤無忝猷為守有嘉淳  
風原在樸佳景漫求加識我慇懃意由來在漲沙

自石門縣跋馬度城易輕舟至陳氏安瀾園即景

襍詠

艤舟跋馬度由拳  
心喜觀民緩著鞭  
更有閱塘予正務  
遂循溪路易輕船

夾溪萬姓喜迎鑾  
桑柘盈郊入畫看  
廿四槳過風帆去聲

駛片時新壩到長安

即壩名

壩隔高低換綵舟  
綵舟致重櫓聲柔  
仍圖迅利策予馬  
蓄眼韶光面面酬

鹽官三載重經臨  
兩字安瀾實厪心  
駐輦春風棄清暇

果然城市有山林

駐陳氏安瀾園疊舊作即事禱詠六首韻

如杭第一要籌莫海塘瀾水路便方舸

前巡抵杭城由陸路赴海寧閘

塘今年舟次石門即從別港水道前進先駐是園取便程急先務也

江城比稅鞍汐潮仍

似舊宵旰那能寬增我因心懼慙其載道歡

隅園城角邊新額與重懸意在安江海心非枕石泉喬  
柯皆入畫好鳥自調絃有暇詩言志雕蟲不尚妍

鹽官誰最名陳氏世傳清詎以簪纓嚇惟敦孝友情春



朝尋勝重

去聲

聖藻賜褒明

原任大學士陳元龍請老時賜林泉者頌額以寵其行今恭奉園樓正

皇考書

中來日尖山詣祈

床盡我誠

書堂橋那畔熟路宛知尋  
既曲越延趣惟幽不礙深  
風翻花動影泉出峽留音  
古栝無榮謝森森青玉針

園以梅稱絕盤根數百年  
古風度迴別時世態都捐  
春入香惟淨月來影亦娟  
閒吟將對寫消得意為延

溪泛櫓聲柔溪涯有竹修獺時看伏翼

足圍水中有獺

魚並育

槎頭似此真佳處無過信宿留觀塘吾本意詎可恣遨

遊

謁

海神廟瞻禮疊舊作韻

庚辰之歲潮趨北柴石塘工重

去聲

事修亟韻

施仁斯益切不更

平聲

為患仰

貽床漲沙雖縱聞增渚汎水無過幸晏秋

廟貌欽崇緬

皇考中疊未復祇懷愁

賜浙江學政錢維城

化民惟在學取士要通經詎在工文采還當屏濫形須  
懸虛鑑朗莫負舊羶青扈蹕常賡韻何殊侍內廷

命添建海寧縣城石塘前坦水石詩以誌事

柴石兩塘工前巡大端定

前巡閱視海塘時有以老鹽倉一帶柴塘恐難經久請易

柴為石者及親臨度試則塘內沙活不可下椿再移內數十丈雖工作可施勢必毀棄田廬未殍患而先殃民

又豈保衛之道因決意修築柴塘勅部議增薪  
值俾採購裕足並命添置坦水簍石捍護隄根  
茲來重

相視事無不用敬念茲古縣城萬民所託命城南即石

塘魚鱗固綿亘但潮今北趨已近塘根迎坦水縱兩層

潮來惟一勝設使久盪激塘根將致病去歲雖添建六

十丈而竟尚欠久安策俾增一律稱去歲撫臣請建坦  
水六十餘丈止就

險要而言於全塘形勢尚未籌及因命增建四百六十  
餘丈並視二層舊坦之格殘石缺者令補易結完使高

塘根永資鞏固殺去聲勢護石工費帑吾寧聽何當復中疊額手

斯誠慶

賜浙江督撫及其屬吏食詩以言志

入疆雖曰慶土地豈其宜

嘗謂孟子此言或可行於其時實難行於千古然奪彼與

此即當時亦覺難行且若皆宜慶者將以何地與之

聊以肆筵惠酬斯執役疲所

嘉民弗課實慰我深思休養富而教勗哉賢有司

塘上三首

尖山將往閱潮於塘上清晨發步輿一帶隄根皆嚙水  
撫斯安得暫心紓

魚鱗誠賴此重隄隄裏人家屋脊齊土備却稱守重障

土備塘海望所修欲以為重關保障夫石塘外如果可  
為重障尚可今為之塘內且置人家於外豈有土更堅  
於石之理譬之防盜者舍牆  
門而為屋扉甚無足取也 一行遙見柳煙低

竈戶資生釜海存刮沙煎滴事牢盆茅棚葦竇何妨覽  
欲悉吾民衣食源

登尖山觀海

峒嶽淨土普門憑觀海因之棧道登愧我敢云希績底  
奠茲惟是賴仁能臺臨上下空無際舟織往來波不興  
俯視塔山資射浪漫言沙漲有明徵

視塔山誌事疊舊作韻並示地方督撫及司事者

壬午視塘後沙漲伸如翼不久復致坍溜仍塘根逼自

茲月據報

壩基下有護根石簍前巡臨閱時沙漲掩簍痕四尺許因命標誌其處驗增漲尺寸折撫

每月奏報時緩亦時急即今石簍下又見漲沙立較之昔立

標乃更增五尺

沙漲時有羸縮茲親臨勘驗較舊誌復增五尺大吏皆謂江海效靈然坍漲靡

常實不敢即以爲慰也

效靈漫致頌安保無更易夫惟君與臣均

有安民責爲民籌保障可弗比心悉何時沙坂堅魚鱗  
易條石惟俟

天默佑斯實之良策

閱海塘再疊舊作韻

依舊潮頭近逼塘

貽謨昔日計深良

自乾隆戊寅後潮勢復漸趨北疊背魚鱗大石塘及坦水竹絡繹為翠巖

益仰

皇考定

制實為萬世永賴

成規敬守修柴石

先是建議者擬易柴塘為石工土下親臨相度塘下活沙既汕澁不受格

而內徙又妨田廬因命專修柴塘且增料值其條石各工隨宜加覓俾資捍禦

古語誠符變海

桑

南坍北漲北坍南漲惟浙省為然蓋無百年不易之事

思復中疊亦過

平聲望便



由故道敢私慶盡人事俟  
神庥耳蒿目一勞念未遑

觀潮四首

鎮海塔傍白石臺觀潮那可負斯來塔山濤信須臾至

羅刹江流為

去聲

倒迴

索籥堪輿呼吸隨混茫太古合如斯伍胥文種誠司是  
之二人前更屬誰

候來底藉鳴雞伺朔望六時定不差斫陣萬軍馳快馬

飛空無轍轉雷車

當前也覺有奇訝開後本來無事仍我甫廣陵辨方域

枚乘七發觀濤廣陵之曲江注未詳其所在後世乃指  
浙江為曲江以浙江濤廣陵濤濶而為一益未深考漢  
書地理志餘杭屬會稽而不屬廣陵相習傳謠耳且如  
篇內伍子之山胥母之場並在吳境於揚於杭皆風馬  
牛不相及尤強為比附因  
漫重七發述枚乘  
作廣陵濤疆域辨以正之

御製詩三集卷四十七

欽定四庫全書薈要卷一萬三千四百七十七

集部

御製詩三集卷四十八

古今體一百二十一首

乙酉六

至杭州詣

皇太后行宮問安有作

鹽官先往為籌塘舊路

安舟奉

壽康百里郵程至卓午兩朝

食履慶增常撫茲鄺市誠殷富益為去聲黔黎計久長咫

尺西湖清且麗承

歡雅足答韶光

恭依

皇祖巡幸杭州詩四疊韻

深宮晏處敢求安吏治民生厯省觀寧海未茲駐巡駕

海寧先彼莅鳴鑾魚鱗塘欲石圍固

魚鱗大石塘屢按築以期鞏固

雁

字灘希沙漲寬此是來遊最要務詎緣山水覓清歡

賜錢陳羣

王帖一旬猶過之

羲之帖足下今年政七十耶陳羣今年八十歲故云

來迎喜重

去聲晤龐眉杖朝足領羣仙列從政仍教一子隨

陳羣子汝誠適

扈蹕來

商榷古今闢治亂咨詢風物度淳漓我閒却是卿

無暇合為

去聲

催賡攬勝詩

韻玉館

杭州行宮內

前度教栽竹今來萬个強故知功獲倍

南方種竹最易北地所不建也

恰與歲俱長安得三庚至坐披滿意涼清風簷際度彈

是子登琅

策馬登吳山

策馬登吳山撫今並攬古金主寄遐懷宋帝守偏宇離  
宮蹟久湮殘碑委榛莽苟安忘中原處堂亦何取江湖  
仍江湖曾幾荆凡覩衢市日繁富為之塵相輔必也臻  
大當詎其在小補

瑞石洞

吳山臨絕頂石洞在其下捨馬盤輕輿因循輿並捨峭

舊奧窅間蹠步窮幽冶恠狀疑鬼神虛勢若廡序盡態  
復極妍誰能辨炙輶畝平得小亭天池一杯瀉設使導  
之流何異香鑪者

四依

皇祖吳山詩韻

崇岡俯視見西湖氣接三元上景衢設使畫家為設色  
定須粉本夏侯圖

飛來石

何處飛來此處棲玲峯想自聖湖西翩翩漫擬嗤無翼  
借悟南華大小齊

初遊勝果寺

紺宇鳳皇

山名

上曹溪初問津佛無六塵染僧喜一時新

地方大吏施  
檀為新廟宇

竹護山腰路花榮殿角春排衙稱有石

見志

書

淨地恐非倫

澄觀臺

鳳凰山上有高臺題以澄觀記舩來湖水鏡光自西湧



江潮帶影日東迴澄懷觀物真超矣得意忘言亦快哉  
訝到水晶宮觀表更於何處惹塵埃

題船室

鳳嶺江湖上虛舟合在茲重儻又奚藉初至偶憑之不  
作波瀾想端知風月宜花含春意冶石戴古皴竒顧盼  
皆如畫周旋祇為詩泠泠行漏下清蹕向前移

觀潮樓

前度沙平漲樓原陸地陵

壬午登眺時樓前漲沙頗遠  
江船不能近岸多以牛車挽

運今來則江水近在隄下舟可泊塘蓋遠則衝鬻無虞而艱於估舶近則帆檣稱便而潮溜或侵塘根似茲遭漲靡常益為全塘厯念今來江又近舟可跨欄乘變幻有如此晏

清竟底憑水師呈技藝

總督蘇昌攜閩省水師於樓前呈演水操諸技頗為嫻熟因行

賞以行賞命旌能獎之

### 王蒙竹樹孤亭

種竹無多足延爽構亭惟野乃怡神底須重疊雲嵐染  
頗自瀟疎緬若人

晴

夜半問陰晴報曰雲垂宇昨近臨茂苑頗覺靈春雨登  
舟始開霽逮茲六日許宜暘乃利農麥菜資曦煦何處  
不籌穡為之心憂鼠朝來西南風密雲散如縷農父笑  
迎鑾此樂吾同汝

閱武

杭州

詰我要務政攸關駐蹕宣程執戟班列陣旌旗特親閱  
統軍申胄總躬擐練方有勇誠斯謂安不忘危厯此間  
那似建隆誇偃武春風惟是賞湖山

昭慶寺

錢塘西北隅律寺接通衢六度守毘苑千年對聖湖繞  
階馥忍草出屋鬱禪株

慈壽山齊永誠哉昭慶符

大佛寺題句

昔圖黃龍佛已謂大無比今遊石佛山大佛實在是一  
面露堂堂滿月光如洗我聞芥子微須彌納其裏熾然  
無昔今吐哉那彼此

遊黃龍洞

舊識山陰路重尋  
春仲天樹藤他作體  
巖卉淨為媚護  
逕饒修竹繞階  
泌冷泉曾經圖丈六

洞有石佛像壬午南巡遊此親圖其

像成幘系贊裴池並命摹勒石壁

丈六祇如然

紫雲洞口號

春暄攀陟汗流漿  
北洞入纔迫體涼  
却上丹梯不數武  
轉溫仍欲換衣裳

岳武穆祠

褒嘉手勅是誰言何致終銜不白冤戰必驍騰驚北騎  
地爭尺寸守中原持身忠總根於孝撫士威還濟以恩  
生世漫悲纔廿九千秋英氣兩間存

題六一泉

嶼山西南隅云有六一泉三度曾未臨寄興託吟篇今  
來稱潔葺用備小憩延適自西泠橋名過路左實近便遂

與一蹠步花竹誠翳然奇石貯天池清泠如鏡圓誰當  
此濯纓因之緬昔賢跡縱有顯晦境固無變遷獨是亭

軒者微嫌踵增妍歐蘇肯斯乎不能無疑焉

詣聖因寺瞻禮

皇祖神御殿

南邦六度事

虞巡

神御今猶瀛嶼垠翹

殿三年思

聖軌見

牆一脉切

天倫百王屈指誰同德四海傾心永戴仁蒙業貽庥益  
欽若自惟何以

憲章循

恭奉

皇太后至聖因寺行宮駐蹕作

西湖行館聖因傍三載重欣奉

壽康節值閏春駐韶景地呈佳境萃



天慶一隄柳色間花色四面山光入水光更喜快晴宜  
麥菜餘閒消得有詩償

淨慈寺瞻禮

古剎南屏明水涯畢輳紳士祝

延釐依然波淨連天淨可識佛慈即

聖慈春物薰馨含慧業名禽宛轉入聞思誰云儒釋非  
同道似此傾誠豈不宜

題淨慈寺方丈

水光山色一合相暮鼓晨鐘二六時借問閣黎消盃飯

孰為本分

去聲

孰為詩

寺僧明中能詩故嘲之

小有天園

花木昌如候名園小有天面湖澄淨影背嶺蔚晴烟何  
礙高樓起翻成一覽全興心尚龍井詩就便鳴鞭

遊龍井六首

地闢無雙地天開春閨天千峯生霽靄百道落流泉馬  
惜棧遲步鳥欣樹奏絃過溪亭始到心境已超然

入門猶石磴千步弗嫌勞微諷由他致偷閒偶是遭晴  
峯罨暖翠古栢泛寒濤不到無塵處安知此地高

竹粉皴晴雪石泉飛響琴聽惟聲最靜望與意俱深壁  
有前春字窓開此日襟可云姑且置得暇定重臨

寒碧泠泠照一泓萬派源遐思昔元淨

宋僧名始開山者

於此

閱高奔寂室今何在閑堂孰與論

寂室閑堂皆爾時舊蹟久不可辨

樓

臺重冠嶺恐啓後人言

出峽醺泉流垂虹颯似秋有聲惟寂耳無色可當眸橋

尚蘇詩緬菴那米記求揮毫亦偶爾慚愧御書樓

百尺竹梢強千竒石色蒼壺中尋奧窔物外辨迷茫勝

處崇情託片時逸興償還當叩天竺遂與過風篁

嶺名

龍井八詠

過溪亭

溪云不過忽成過一笑名因二老留有意無心設相較

不過屬有意  
過屬無心

過羸不過兩三籌

滌心沼

雲棲已有洗心亭龍井復傳滌心沼滌之洗之名太紛  
不及無心自了了

一片雲

片石璽瓏依碧峯英英常帶岫雲濃山莊別室斯津逮

避暑山莊有

皇祖御題一

片雲額在延薰山館東偏別室對此依然仰

聖蹤

風篁嶺

聽曲曾聞絕勝

去聲

絃老枝介介穉娟娟分明好是三春

景忽訝清秋籟颯然

方圓菴

數椽敝屋號方圓立字安名屬偶然何事南山誇博學

方圓娓娓著言詮

南山僧守一有方圓菴記米芾書之

龍泓澗

石欄四面一泓清可數鬚眉鏡影呈流出細渠原足底  
山根聞作半天聲

神運石

詭石狎如偉丈夫遙年題識半模糊新詩業已行行泐  
曷不由今視昔乎

翠峯閣

翠峯却是新成閣前度遊情祇目前問水尋山付餘事  
觀民察吏勅機權

上天竺法喜寺

盤高下龍井入妙造西峯仍是諸天上虔瞻滿月容春  
花紺宇護古樹翠陰濃不二門惟此那分教與宗

咸淳  
臨安

志郡守沈文通以教  
易禪故未聯及之

過三天竺口號

一天竺耳乃稱三似屬岐談實理談譬以人身心情性  
是分是合是瞿曇

賦得春蠶作繭

得同字八韻  
試浙江士子題

候占春駘蕩功盛浙西東有女柔柔取惟蠶作繭充寒  
暄驗曉夜蛹蠅辨雌雄飼浴勤民舍繹繅倡后宮室溫  
防冷逼箔爰擬山崇經緯不言表樞機默運中鮫人空



說巧園客那稱工比似抽思者成章略或同

文從簡草堂雲樹即用其韻

宴坐茅堂戶洞開覆簷梧樹綠生苔忘言不啻兼忘已  
那覺溪傍有客來

虎跑泉用蘇軾韻

二虎來跑泉湧上至今稱泉其名仰試問此事信也無  
不過奇談供抵掌東坡頗透如來禪云何唯唯隨影響  
末後一句原不凡迴絕世間往來想

即用蘇詩意

瞻禮六和塔作歌

出山策馬循江干，窅堵遙見青雲端。  
旋到捨騎入塔院，屏營瞻禮心神寬。  
鎮江初建憶北宋，時方一統歸提封。  
詎知九世忽南遷，徒供紹淳遊賞用。  
昔年我實親曾登，睫眼倏歷最上層。  
江海全勢在指顧，茲弗躬臨意以憑。  
漫言見表知其裏，由來我亦增年矣。

開化寺疊舊作韻

枕巖紺宇鬱嵯峨，雖事裝嚴遠市朝。  
烏雀聽經皆宿慧，

風旛說偈自高標山雲不雨峯猶濯閏月當春景益饒  
穹塔六和建初宋為安民庶鎮江潮

遊雲棲得四絕句

雲棲本是舊棲真無俗塵緣有淨因江岸西行纔北轉  
引人入勝見蒼筠

石橋澗水幾縈迴知是洗心亭下來却我到亭忘所洗  
本來無物惹塵埃

塔院蓮池曲徑東閣黎今尚守宗風掌家正副輪年易

是寺守蓮池清規有  
正副掌家歲遞更易

兩字出家同不同

經堂左轉陟崇椒精舍間憑意自超山卉當春都寂寂  
脩篁不雨亦瀟瀟

雲棲寺再疊舊韻一律

萬綠瓊竿參漢青十尋枝見下亭亭此中尋路一時到  
教外無言六字聽

是寺僧以念佛為務不參禪

坐對溪聲流不盡了

同山色峙常停道場開後於菟避

誌稱其地人跡罕至明僧祿宏結菴後虎

不傷人借問山僧具底靈

理安寺

環繞七峯處合流雙澗間棲真適歸選掛衲

寺中齋名見武林梵

志

便尋山詎亟一遊興圖消片刻閒憑欄挹蔥翠可以

謝躋攀

題宋旭西湖圖

日日西湖圖裏遊何須展卷證風流石門恍似相傳語  
異地還當藉此不

用張祜杭州孤山寺詩韻

湖中峙玉岑可以空

去聲

禪心佛自超六度僧還論五陰

瑤壇接天淨舍利影波深隨步香風遞依稀蒼蘗林

題陸宣公祠

孤山南面聖湖濱尚祀唐家宰執臣不幸德宗託知己

空懷魏相

謂魏徵

是前人軍機策弗纖毫爽時務言皆痛

切陳艱險相資事平棄崇陵倖耳免亡淪

清連寺觀魚三疊舊作韻

跋馬蘇隄上幾間尚有餘隔松篁瓦獸穿竹敞扉魚已

是知途逕聊當湔袂裾翠鱗仍叔若玉鏡自澄如潛合  
六根淨浮成八體書不須聞梵貝對此即禪歟

三和

皇祖靈隱寺詩韻

冷泉繞曲曲鷲嶺矗峩峩襟帶有如此清涼那見多雲  
居懸月地塵跡掃風蘿分付庭前栢記予四度過

韜光菴壘舊作韻

竺菴猶隔幾重林靈隱西廂路入深借石為關誰許啟

引泉接竹遞相斟上方殿塔寂鐘磬下界湖山自帶襟  
比喻漫同虛室白箇中祇合證無心

擬白居易寄韜光禪師仍用其韻

試言太守第何似法王家入選多松竹盈庭有藥花其  
來對蒲席相與剥蕉芽奚必金蓮畔恒耽泉煮茶

擬韜光禪師答樂天詩仍用其韻

巢溝塢裏有清泉足供去聲枕流漱石眠那藉多人聯白

社願同枯木守青蓮一泓清泚寧非水萬古空明亦暎



天莫恠山僧不出戶伊蒲領在未招前

文徵明紫竹

綠葉猗猗綴紫枝初觀想以意為之不從韻玉館

杭城行宮

內書室名

傍過那識人間信有斯

栢堂再疊蘇軾韻

聖因之右嶼山前陳跡空尋竟漠然廣化那存當日寺  
天嘉空紀建時年有為一切法如夢無盡雙株指可傳

太乙荒基一再詠

西湖志栢堂廢基在西太乙宮

欲呼玉局與談禪

竹閣再疊蘇軾韻

兩翁

謂白蘓

遺蹟辨疑然那更追尋堂與軒千載月明來

鶴伴四時風颯動龍孫勝遊何必思蕭寺逸格仍看護  
野村真者在前應擱筆却因觸興未忘言

漪園

一園倚南嶺十畝占西湖盪漿到門第開軒眎畫圖  
魚機表察花柳鏡中鋪有術如觀水誰能捨此乎

遊小有天園登絕頂

最愛南屏小有天登峯原攬大無邊易詮藉用還司馬

琴趣那能效米顛

峯頂勒司馬光書家人卦及米芾大書琴臺二字

百卉都知

鬪春節

翼日清明

千林乍欲斂朝煙菁蔥峭嶺間探妙比似

仇池然不然

### 留餘山居

南山北麓有山居早識清幽試訪諸壑竒峯中進輦  
砵勺懸瀑近濺裾千林黝藹藏濃霧一氣空濛合太虛  
不盡興而便言返吾原每事欲留餘

聽泉亭子

題額不經想有泉實入聽武林傳梵志無復見蘇亭  
向題山居亭子曰聽泉茲偶閱武林梵志則載東坡  
所榜聽泉亭在法相寺里許沿塢而上云云正為此  
地蘇亭雖不可考而我心同然彼已先得之矣因並  
識之

吟香別業

斷橋盡處孤山左范撫池亭早就荒

事見前  
巡詩注

雖是葺新

為勝賞却因易舊曰吟香幾迴攬結全非候

蓋以池中多蓮吟香

之名由是而得然春月非蓮候也

無乃稱呼特好

去聲

祥似此山明蕪水

秀便勾留亦定何妨

### 題放鶴亭

一嶼湖心聳絕奇問誰雅合此居之  
墓門詩裏有佳句  
隱士傳中無愧辭  
可是寒梅猶手植  
欲招野鶴識心期  
由來肥遯終非遯  
兩字逋仙萬古知

### 題林逋蘇軾詩帖再疊舊作韻

金錯刀書狀樛曲瑤躑錦贍古色綠是誰遺蹟乃驚人  
林句蘇和兩珠玉世間書卷豈不夥半屬偽為半荏俗  
逋清坡健此聯珍煥覺虹光屋梁燭攜來即境證精神  
三度賡吟意未足論帖早匹乞鹿脯說偈不礙燒猪肉  
兩翁出處縱殊致一例高風有史錄佳湖山處緬芳蹤  
異代同時通款曲誰謂兩翁真往哉後人常撫祠前竹  
祠中古貌粹如生鄙矣長生學服菊

西湖雨泛五首

昨日傳宣龍井遊曉來密雨送輕舟湖光疑向山光問  
接上空濛似此不

西湖可罷一天雨南國渾艱十日晴花柳六橋皆入畫  
易成紅綠潤難成

過旬晴烘

去聲

宜麥菜那免湖山雨景逢景實佳哉適可

止不妨遊興恐妨農

烟絲風片拂漠茫盪漿平湖生薄涼雖值閏春三月近  
過多兼慮礙蠶桑

處處籌民織與耕雨暘惟是厯吾情明湖可戀煙光好

却為

去聲

問問迫望晴

雨中遊龍井

綠靄紅煙潤以深今朝無意雨中臨瀑添巖腹攢攢滴  
露重筠頭个个森漫惜千峯率藏趣已欣一墅不勝尋  
晴明定復重來訪高處還當暢遠襟

展癸未書和過溪橋詩卷再疊前韻書卷中

辯才昔結菴乃在南山丘過溪忽對笑佳話傳千秋石



渠藏蘇蹟胡不此處留應恐蛟龍知奪去歸淵湫我筆  
不如蘇無妨置案頭前歲書詩成卷即命郵致龍井藏之郵來弄龍井三  
載流陰浮春風西湖上愛此石泉優二老呼欲出寧共  
溪聲流賡韻仍書卷適以當紀遊彼誠物外樂我先天  
下憂

題西湖十景三疊舊作韻

蘇隄春曉

春來萬物喜昭蘇正值巡方蹕駐吾跋馬長隄頻按轡

韶光輝映兩邊湖

柳浪聞鶯

輕風萬縷弱搖金披不知寒望轉深乍聽緡蠻尋不見  
繼還宵雅詠遷林

花港觀魚

平鋪設認港如練亂簇當知魚即花不辨乾溥當日蹟  
杭人猶說舊京華

曲院風荷

綠水連漪細皺風為瞻題額想花紅  
遙飛逸興昆明上  
夏月搖光正此同

雙峰插雲

一雙長劍倚天垂雲作袂褱片片披宇宙以來便有此  
那稱歐冶破堇時

雷峯西照

斜陽一照本無意古塔七層浪有名恰與靜慈作屏障  
赤文豎豎復橫橫

三潭印月

恒沙常轉法王輪  
潭月偏標清淨身  
識得西江吸一口  
是中非果亦非因

平湖秋月

春和駘蕩正油油  
遠矣秋蟾弄影柔  
却是平湖自千古  
豈知今昔有遷流

南屏晚鐘

月色罌罌清映屏  
南風送得夜鐘聲  
時巡展義率由舊

政化無煩在屢更

斷橋殘雪

麥色佳因護雪餘  
斷橋冬景眼前如  
行春所喜情田好  
老幼歡欣擁蹕輿

西湖行宮八景重詠

四照亭

南來逐處仰

堯巡四柱幽亭冠  
碧峴從識憂民

聖皇照絕勝避世隱人淪

竹涼處

猗玗新粉欲霑衣曲處通幽幾個稀春日暄妍靜風籟  
何來拂面嫩涼微

綠雲逕

喬林幕嶺蔚英英四季那知謝與榮不向山陰更移步  
恐妨鶴訝客來生

瞰碧樓

迴樓特地背孤山明聖湖光襟袖間  
底識與民同樂處  
酒船一任往和還

貯月泉

平湖秋月久聞諸輪尺山泉印亦如最  
是南禪提要句  
小非嫌窄大非餘

鷺香庭

高出庭簷始有枝天香疑是月中披  
何須漫惜非秋節  
會取根塵未現時

領要閣

山色湖光應接忙閣中領要足徜徉然予却未忘拈句

名畫輸他印識梁

梁清標最為賞鑒家然於書畫佳蹟惟用觀其大略印從未見著語故戲

之及

玉蘭堂

王維文壁地皆異李白江淹夢亦虛千古西湖付批判  
底須多事更吟予

喜晴



逾旬幸值晴一雨審何妨昨宵勢頗綿清曉釀微涼過  
甚傷麥菜兼虞害蠶桑以此切切愁崇居不敢康日出  
忽開霽雨止雲漸昂然時猶聚散卓午乃盡藏按轡徐  
觀民佳與農夫慶有喜乃真喜寧因賞景光

西湖晴泛五首

湖上遨舟喜快晴六橋花柳湊清明

是日清明節

南屏塔影

映檣直西澗泉聲拍棹輕

潋灩波光晃霽光鋪隄燭燭菜花黃芷蒲桃杏非無色

愛此春收佐麥穰

萬頃澄波朗接空無雲無雨又無風誰知一例浮青雀

興與昨朝迥不同

文圃曾聞民共之謂宜斯語用於斯

孟子謂文圃同民芻蕘雉兔往而不

禁夫圃雖大豈能聽民盡往且不為限制久之民必爭占相攻即芻蕘雉兔之地亦不可得嘗於水蘭詩發明

其義若湖中魚利誠宜聽民取清波門外聞張網將至

攜孟子所云施之於此始當耳

門聞於彼陳漁舟備觀觀魚非所喜且方春生却命迴

養亦非其時遂迴舟至長橋遵陸臨數文書院

船避暑師

底藉雕花飾綵船

大吏預備遊湖綵船飾以刻木蓮花一乘而罷蓋以不如輕舟之便且非

敦樸本懷

心怡即是坐青蓮舉頭龍井如相謂山色應知倍

淨妍

清明

清明最是好春光湖上春光好倍常萬卉乍經宿雨濯  
千峯况值曉雲藏物情入詠復入繪日色不暄還不涼  
頓置紫微休更道與民同樂此宜暘

敷文書院再疊舊作六韻

湖山孕靈處憂行

去聲

不憂文詎尚三都賦誰批五鹿君

甄身貴方正績學要精勤盧植刊碑在戴憑奪席聞崇  
儒臨帳絳程士駐旄紛何以對休命佇惟佔畢羣

策馬由南屏復至天竺

敷文幸書院崇學勵士英天竺謁梵宇設教順民情

新民

敬奉天竺大士朔  
望尤盛雨暘必禱

况予昨望霽可弗謝快晴策馬下松

嶺

書院在萬松嶺上

遵陸過南屏漪園小有天概弗翠蹕停取

道丁家山不過廿里程菜麥暄曦光祺然皆向榮蠶事

雖未興柔桑亦已萌攬結足怡心非關山水清是日值

香市

是日  
月望

更弗嚴蹕驚駢填老與幼都增喜色迎如如

瞻大士朗朗通吾誠設再十日霽春收庶有成

用李紳杭州天竺靈隱二寺詩韻

西湖一帶西峯護入谷偏欣諸寺連遮曲逕常逢野竹  
落斜澗便有鳴泉春輝萬卉噴芳霧日照千峯生紫烟  
可惜鬧中真靜地閣黎若箇解參禪

公垂已曰重雕飾厯代斯風益以深但識莊嚴僧取相

豈知清淨佛無心偶緣尋勝聊登筏那為脩齋事布金

此日杭州尚天竺當年靈隱易雲林

三天竺迤邐相屬  
靈隱自皇祖

南巡賜寺

額雲林云

靈隱寺仍疊宋之問韻

五字特羃羃千秋屬和寥兩章笑多事一滴欲增潮緬  
想驀然遇重尋去若飄都成佳話許漫惜勝期遙過雨  
花如笑經冬松不凋原來符道趣那得惹塵囂識取冷  
泉畔橋為信度橋

韜光菴禪詠

幽絕雲巢棲碧嶂綠琅玕裏歷階登笑予詩句非杭守

謂白樂天

又此無端訪蜀僧

唐時蜀僧韜光居是菴以此得名

襲芳曲徑滿蘭蓀出竹纔看崇苑垣自是佛無人我見

玉虛上相坐當門

當寺門設呂高相僧道殊覺不倫故戲及之

金蓮池上小逡巡名蹟千秋幾不堙斷碣何從覓蘇軾

趙抃書詩惟見近時人

查嗣璫書白居易及韜光禪師詩現勒壁間

水樂洞

八音獨無水一洞乃兼全激石纔越若擬金恒繹然竹  
絲篴有壞土木革非堅不待太師作千秋角徵絃

理安寺

儒釋雖殊道理安原實同為咨學佛侶何以繼宗風澗  
水環門淨山峯映座崇擬然聲與色箇裏不空空

再遊雲棲

雲棲最愛幽而樸每至西湖必雨來依舊矮簷環曲堵  
底須香閣聳瑤臺舉頭竹密藏峯峻撲鼻蘭馨過雨纔



合掌闍黎不饒舌真言六字已云該

晚望

瀛嶼平湖上登臨晚望間不須傳警蹕

出行宮後園門即登嶼頂

坐

可攬湖山僧磬飄空落漁舟唱晚還桂林蟾影上豈必  
待秋攀

再登鳳凰山

鳳凰山豈鳳凰遊態實翩翾麗且遒湖景當春奇畢獻  
海門浴日勢全收難尋建置錢還趙何論廢興夫與句

設以來巢擬阿閣不增吾喜祇增羞

題御教場

聞說南朝女習戎孫卿兵法教山宮金牌却急追良將  
事業中原聽付空

排衙石口號

致譏幸不同松下曠覽真教窮海涯我自觀民勤露冕  
宣資卷石為去聲排衙

再遊瑞石洞覽古

石洞真看以石竒飛空喬若瑞雲垂訝如欲墜忽然住  
已似難前又可披窸窣森森通地穴澄泓處處貯天池  
禁山南宋無人到賜第居然獨屬誰

青湖雜志瑞石為南宋禁山惟韓侂

由得賜  
第云云


### 表忠觀

旌功渾祐賜褒俞作記猶聞人姓蘇大似竇融事光武  
迴殊徐誥竊楊吳心懸牛斗曾無孑孓共孫曾足有愉  
最是風流絕勝處千秋崇觀對西湖

再遊龍井作

清蹕重聽龍井泉明將歸轡啓華旃問山得路宜晴後  
汲水烹茶正雨前入目景光真迅爾向人花木似依然  
斯誠佳矣予無夢天姥那希李謫仙

御製詩三集卷四十八



總校官庶吉士臣侍朝

校對官中書臣馮培

膳錄監生臣范楠